



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ  
ՊԱՐԵԿԱՅԻՆ ԾԱՌԱՅՈՒԹՅՈՒՆ**

0090, ք. Երևան, Շոպրոնի 77

N 91/13825

< 02 > 08 2022թ.

Գարիկ Արտակի Կարապետյանին  
Հասցե՝ Լոռու մարզ ք. Վանաձոր Լանջային փ. 58 տ.

Ուղարկվում է Ձեր դիմումի հիման վրա ՀՀ ոստիկանության պարեկային ծառայության վարչական բոլորքների քննության բաժանմունքում իրականացված վարչական բոլորքարկման վարույթի արդյունքում թիվ 8200234385 վարչական ակտը անհետևանք թողնելու մասին որոշումը:

Միաժամանակ հայտնվում է, որ ակտի վճարումը տարաժամկետելու վերաբերյալ ձեր դիմումն ուղարկվել է Երևան քաղաքի գունդ:

Առդիր՝ <<2>> թերթ:

Պետ, ոստիկանության գնդապետ՝

Կատ. Ե.Ասլանյան

Ա. Ումրշատյան



## Ո Ր Ո Շ ՈՒ Մ

ՀՀ ոստիկանության պարեկային ծառայության վարչական իրավախախտման վերաբերյալ գործով 18.07.2022թ. կայացված թիվ 8200234385 որոշումն անվավեր ճանաչելու պահանջի վերաբերյալ հարուցված վարչական վարույթը կարճելու մասին

<< 02 >> 08 2022թ.

ք.Երևան

ՀՀ ոստիկանության պարեկային ծառայության պետ, ոստիկանության գնդապետ Ա. Ումրշատյանս, վերանայելով Գարիկ Արտակի Կարապետյանի (Ծանուցման հասցե՝ Լոռու մարզ ք. Վանաձոր Լանջային փ. 58 տ.) (Այսուհետ՝ դիմող) 18.07.2022թ. դիմումի հիման վրա հարուցված վարչական բողոքարկման վարույթի նյութերը,

## Պ Ա Ր Զ Ե Ց Ի

18.07.2022թ. ժամը 01:20-ի սահմաններում Երևան քաղաքի Բաղրամյան պողոտայում դիմողը «Մերսեդես» մակնիշի 35 ՍՄ 688 հաշվառման համարանիշի տրանսպորտային միջոցը վարել է առանց տրանսպորտային միջոցի համար կնքված ավտոտրանսպորտային միջոցի օգտագործումից բխող պատասխանատվության պարտադիր ապահովագրության գործող պայմանագիր ունենալու: ՀՀ ոստիկանության պարեկային ծառայության Երևան քաղաքի գնդի 4-րդ գումարտակի 3-րդ վաշտի կրտսեր պարեկ Արթուր Մարկոսյանի կողմից վարորդի նկատմամբ կազմվել է վարչական իրավախախտման վերաբերյալ արձանագրություն՝ «Վարչական իրավախախտումների վերաբերյալ» ՀՀ օրենսգրքի 129.2-րդ հոդվածի 2-րդ մասի համաձայն և կայացվել թիվ 8200234385 որոշումը՝ դիմողին 100.000 ՀՀ դրամի չափով տուգանելու մասին:

20.07.2022թ.-ին Պարեկային ծառայություն է ստացվել Գ.Կարապետյանի դիմումը, որով խնդրել է անվավեր ճանաչել պարեկային ծառայության վարչական իրավախախտման վերաբերյալ գործով 18.07.2022թ. կայացված թիվ 8200234385 որոշումը՝ նշելով, որ արձանագրությունը կազմելուց հետո մեկ ժամ անց կատարել է տուգանքի վճարում՝ 25.000 ՀՀ դրամ, քանի որ կարծել է՝ մեկ ժամվա ընթացքում վճարելով, վճարման ենթակա գումարը կնվազի և խնդրել է պարեկային ծառայողին տրամադրել նոր որոշում՝ 25.000 ՀՀ դրամ արժողությամբ:

«Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին մասի «ա» կետի հիմքով ՀՀ ոստիկանության պարեկային ծառայության վարչական բողոքների քննության բաժանմունքում հարուցվել է վարչական բողոքարկման վարույթ:

«Վարչարարության հիմունքների և վարչական վարույթի մասին» ՀՀ օրենքի 38-րդ հոդվածով սահմանված կարգով վարչական վարույթում քննարկվող փաստական հանգամանքների վերաբերյալ արտահայտվելու և լսված լինելու հնարավորություն տալու



նպատակով դիմողին ուղարկվել է ծանուցում՝ վարչական լսման օրվա և ժամի վերաբերյալ, սակայն 28.08.2022թ.-ին Գ.Կարապետյանը գրավոր կերպով խնդրել է իր՝ 18.07.2022թ. մեզ հասցեագրված դիմումը թողնել անհետևանք և չքննարկել, իսկ տուգանքի վճարումը տարաժամկետել վեց ամսով:

«Վարչարարության հիմունքների և վարչական վարույթի մասին» ՀՀ օրենքի 50-րդ հոդվածի 1-ին մասի «բ» կետի համաձայն դիմումով հարուցված վարչական վարույթը կարճվում է, եթե դիմողը գրավոր ձևով հրաժարվում է իր դիմումից:

Ելնելով վերոգրյալից և ղեկավարվելով «Վարչարարության հիմունքների և վարչական վարույթի մասին» 50-րդ հոդվածի 1-ին մասի «բ» ենթակետի՝

### Ո Ր Ո Շ Ե Ց Ի

1. Գարիկ Արտակի Կարապետյանի՝ թիվ 8200234385 որոշումը բողոքարկելու վերաբերյալ 18.07.2022թ.-ի դիմումի հիման վրա հարուցված վարչական բողոքարկման վարույթը կարճել:
2. Սույն որոշման օրինակն ուղարկել Գարիկ Կարապետյանին և ՀՀ ոստիկանության պարեկային ծառայության Երևան քաղաքի գունդ, միաժամանակ թիվ 8200234385 որոշումով նշանակված տուգանքի վճարումը վեց ամսով տարաժամկետել:
3. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ ՀՀ վարչական դատավարության օրենսգրքի 72-րդ հոդվածով սահմանված ժամկետներում:

Պետ, ոստիկանության գնդապետ՝



Ա.Ումրշատյան



## Ո Ր Ո Շ ՈՒ Մ

ՀՀ ոստիկանության պարեկային ծառայության վարչական իրավախախտման վերաբերյալ գործով 03.07.2022թ.-ին կայացված թիվ 8200217563 որոշումն անփոփոխ, իսկ վարչական բողոքն առանց բավարարման թողնելու մասին

<< 09 >> 08 2022թ.

ք.Երևան

ՀՀ ոստիկանության պարեկային ծառայության պետի պարտականությունների ժամանակավոր կատարող, ոստիկանության գնդապետ Ա. Մաթևոսյանս, վերանայելով Լիաննա Ռուբենի Արաբյանի (Ծանուցման հասցե՝ ք. Երևան, Նորաշեն թաղ. 12 շ. 46 բն.) (Այսուհետ՝ դիմող) 14.07.2022թ. դիմումի հիման վրա հարուցված վարչական բողոքարկման վարույթի նյութերը,

## Պ Ա Ր Զ Ե Ց Ի

03.07.2022թ.-ին՝ ժամը 17:20-ի սահմաններում, Երևան քաղաքի Հանրապետության փողոցում դիմողը «Պորշե» մակնիշի 36 UF 757 հաշվառման համարանիշի տրանսպորտային միջոցը վարել է առանց գործող ԱՊՊԱ պայմանագիր: ՀՀ ոստիկանության պարեկային ծառայության Երևան քաղաքի գնդի 1-ին գումարտակի 3-րդ վաշտի պարեկ պարեկ Էմիլ Իսկանդարյանի կողմից վարորդի նկատմամբ կազմվել է վարչական իրավախախտման վերաբերյալ արձանագրություն՝ «Վարչական իրավախախտումների վերաբերյալ» ՀՀ օրենսգրքի 129.2-րդ հոդվածի 2-րդ մասի համաձայն և կայացվել թիվ 8200217563 որոշումը՝ դիմողին 100.000 ՀՀ դրամի չափով տուգանելու մասին:

Դիմողը 14.07.2022թ.-ի դիմումով խնդրել է անվավեր ճանաչել պարեկային ծառայության վարչական իրավախախտման վերաբերյալ գործով 03.07.2022թ. կայացված թիվ 8200217563 որոշումը:

«Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին մասի «ա» կետի հիմքով ՀՀ ոստիկանության պարեկային ծառայության իրավաբանական բաժանմունքում հարուցվել է վարչական բողոքարկման վարույթ:

Դիմումի քննարկման արդյունքում ձեռք բերված ապացույցների և փաստական տվյալների համադրմամբ պարզվել է, որ վարչական իրավախախտման գործով 03.07.2022թ.-ին կայացված թիվ 8200217563 որոշումը ենթակա է կատարման՝ հետևյալ պատճառաբանությամբ և հիմնավորմամբ.

«Վարչարարության հիմունքների և վարչական վարույթի մասին» ՀՀ օրենքի 38-րդ հոդվածով սահմանված կարգով վարչական վարույթում քննարկվող փաստական հանգամանքների վերաբերյալ արտահայտվելու և լսված լինելու



հնարավորություն տալու նպատակով դիմողին ուղարկվել է ծանուցում վարչական լսման օրվա և ժամի վերաբերյալ:

«Ավտոտրանսպորտային միջոցների օգտագործումից բխող պատասխանատվության պարտադիր ապահովագրության մասին» ՀՀ օրենքի 5-րդ հոդվածի 4-րդ մասի համաձայն՝ արգելվում է ընդհանուր օգտագործման ավտոմոբիլային ճանապարհով ավտոտրանսպորտային միջոցի վարումը, եթե դրա համար առկա չէ այն վարելու պահին գործող ԱՊՊԱ պայմանագիր:

«Վարչական իրավախախտումների վերաբերյալ» ՀՀ օրենսգրքի 129.2-րդ հոդվածի 2-րդ մասի համաձայն՝ առանց տվյալ տրանսպորտային միջոցի համար կնքված ավտոտրանսպորտային միջոցի օգտագործումից բխող պատասխանատվության պարտադիր ապահովագրության գործող պայմանագիր ունենալու՝ Հայաստանի Հանրապետության տարածքում ընդհանուր օգտագործման ավտոմոբիլային ճանապարհներով տրանսպորտային միջոցը վարելը՝ առաջացնում է տուգանքի նշանակում՝ սահմանված նվազագույն աշխատավարձի հարյուրապատիկի չափով:

Այսինքն՝ օրենսդիրը իմպերատիվ կերպով արգելել է ՀՀ ընդհանուր օգտագործման ավտոմոբիլային ճանապարհներով տրանսպորտային միջոց վարելը՝ առանց գործող ԱՊՊԱ պայմանագիր:

«Ճանապարհային երթևեկության անվտանգության ապահովման մասին» ՀՀ օրենքի 17-րդ հոդվածի 1-ին մասի «ա» կետի համաձայն՝ ոստիկանության ծառայողը պարտավոր է տրանսպորտային միջոցը կանգնեցնել, եթե ակնհայտ կամ տեխնիկական միջոցների օգտագործմամբ երևում է, որ վարորդը խախտել է ճանապարհային երթևեկության կանոնների պահանջները:

Ըստ ՀՀ կառավարության 1251 որոշմամբ հաստատված ՃՈ էլեկտրոնային ռեգիստրի և Հայաստանի ապահովագրական ընկերությունների ավտոապահովագրական «ASWA» էլեկտրոնային կայքէջի տվյալների՝ «Պորշե» մակնիշի 36 UF 757 հաշվառման համարանիշի տրանսպորտային միջոցը 03.07.2022թ.-ին՝ ժամը 17:20-ին, իրավախախտման հայտնաբերման պահին, ԱՊՊԱ պայմանագիր չի ունեցել:

Վերոգրյալից հետևում է, որ վարչական իրավախախտման վերաբերյալ արձանագրություն կազմելու պահին «Պորշե» մակնիշի 36 UF 757 հաշվառման համարանիշի տրանսպորտային միջոցը ԱՊՊԱ պայմանագիր չի ունեցել:

«Վարչական իրավախախտումների վերաբերյալ» ՀՀ օրենսգրքի 251-րդ հոդվածի համաձայն՝ վարչական իրավախախտման վերաբերյալ գործի ապացույցներ են համարվում ցանկացած այն փաստական տվյալները, որոնց հիման վրա օրենքով սահմանված կարգով մարմինները (պաշտոնատար անձինք) հաստատում են վարչական իրավախախտման առկայությունը կամ բացակայությունը, տվյալ անձի մեղավորությունը այն կատարելու մեջ և գործի ճիշտ լուծման համար նշանակություն ունեցող այլ հանգամանքներ:

«Վարչական իրավախախտումների վերաբերյալ» ՀՀ օրենսգրքի 252-րդ հոդվածի համաձայն՝ մարմինը (պաշտոնատար անձը) ապացույցները գնահատում է իր ներքին համոզմունքով, որը հիմնված է գործի՝ իրենց ամբողջությամբ վերցված բոլոր հանգամանքների համակողմանի, լրիվ և օբյեկտիվ հետազոտման վրա, ղեկավարվելով օրենքով և սոցիալիստական իրավագիտակցությամբ:



በ ሶ በ ጆ ፔ ያ ኮ

- Ա. Մաթևոսյան